



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

Ethicè.

[urn:nbn:de:hbz:466:1-68709](#)

SYMBOLVM LXXXV.

Adastraea, seu Adastria, aut Nemesis ultrix dea,

Ex Variis.

Ethicè.

Vis Nemeseos in persecutis malis, præsertim torquendâ conscientia.

Adastrea, Jovis ac Necessitatis filia, alio nomine Nemesis, scelerum vindex acerrima, quam nemo flagitosus, vi aut clam effugere potest. Virtutum quoque remuneratrix est, & quidquid facere deceat, ostendit. Vocatur *ἀδεάσεια* vel ab *Adastro* Argivorum Rege, qui primus Nemesi templum erexit; vel *παρὰ τὸ ἀεὶ δέοντα*, (*δέοντα*, efficio, exequor,) quod semper exequatur, quasi *τὸ δέογενεῖα*; quam nihil impedit, nihil frustretur; qua nihil infectum relinquat & impunitum; vel ut Pausanias ait, *ἄπὸ τοῦ διδοσθενεῖ*, fugere, quod scilicet nemo nocens meritam poenam unquam effugerit, etiamsi aliquando tardius assequatur eum. Nemesis dicta est, à *repentia* succenso, indignor, sive à *repentia*, quod bona & mala distribuat, nam *repentia* seu *repatio*, distribuo, divido. Rhamnusia dicta est ab oppido Rhamnunte, regionis Atticae, ubi templo habuit. Est autem Adastrea, præsertim insolentiæ & arrogantiae ultrix. De hac Ammianus lib. 14. Nemesis ajunt, ex opinione veterum Theologorum lunæ superpositam, generali potentia præsidere fatis, omnia terrena despectantem, & reginam & arbitram rerum omnium: quæ præcipue fastui infensa, nunc erectas mentium cervices opprimit & enervat; nunc bonos ab imo suscitans, ad bene vivendum extollit. Huic antiquitas addidit *pennas*, celeritatis symbolum: dedit *gubernaculum* & *rotam*, significans illam per omnia discurrentem, singula moderari. Plato in legib. vocat *δίκης ὄγγειον Angelum justitiae*, in malos advertentem per Furias. Quidam à Synteresi seu male, recteve factorum conscientia non distinguunt. Pingitur vel cum freno equorum, & mensura cubitali, seu norma rectangulari, quod refractarios domet, ac mensurâ omnia dimetriatur; vel cum alis, in rota pedibus subjectâ; quod celerrimè nocentes premat, omnémque mundi fortunam calcet. Horat. lib. 3. Od. 2.

Raro



Raro antecedentem scelestum
Deseruit pede pena clando.
Vide Alciatum emblemata XXVII.

Ethica.

Peccati comes est supplicium, quod & qui luit, & qui non luit, miser est: hic quidem, quia non sanatur: ille autem, quia, ut alii multi salvi sint, interit. Plutarchus ait: ut amnes quidam repente se condunt sub terram, nihilominus eò perferuntur, quò tendunt: ita Numinis iræ licet occultæ, tamen in extremas calamitates inferunt aliquando nocentes. Et Tibullus eleg. 9.

(a) Ah miser: & si quis primò perjuria celat;
Sera tamen tacitis Poena venit pedibus.

Siracides monet cap. 5. *Ne dixeris: peccavi, & quid mihi accidit triste?* Altissimus enim est patiens redditor. Tarditatem supplicii gravitate compensat. Juxta adagium: *Dii laneos habent pedes, quibus lenite ad vindictam procedunt: sed ferreas manus, quibus validos infligunt ictus & verbera.* Serò molunt superum mola: superbis frangunt tandem cornua. Semper vigilat divinus Oculus, & seriùs, cito, vocat ad poenam nocentes: differt ultiōrem, non auferit. Quanquam conscientia sceleris ipsa sibi Nemesis est & carnifex. *Sonitus terroris semper in auribus impiorum Job. 15.* Artemon homo improbissimus semper letica vehebatur, & domi considens, duos famulos scutum supra capit gestare jubebat, ne quid ex alto decidens, aut improvisum telum feriret. Plutarch. *Dionysius* Syracusanorum tyrannus, tonsoris metu, tondere filias suas docuit: neque his adultis, ferrum ausus est committere, sed candentium juglandium, aut nucum putaminibus, barbam sibi & capillos aduri jubebat: lectum quasi castra, latâ fossâ cinxit, in quem se ligneo ponte recipiebat. *Mithridates*, Rex Ponti, cum somnum caperet, custodiā sui, tauro, equo, cervo commisit, qui ad hoc mansueti, ut, si quis accederet, ille mugitu, alter hinnitu, tertius propria sua voce dormientem excitarent. *Aelian. lib. 7. c. 66.* *Clearchus*, Ponticus tyrannus, somni tempore serpentis in morem, se in arcā condēbat. Argivus *Aristodemus* pensili porta, scalis subtractis, gallinarum in morem, se in superius cœnaculum abdebat. Nec metus tantum male sibi conscius torquet, sed tristes etiam larvæ immituntur à Nemesi,

(a) *Vix Nemesis in persequendis malis.*

quæ

quæ nocentes exagitant. *Theodoricus Italæ tyrannus*, postquam Joannem, summum Pontificem, Ravennæ in carcere, squalore, & inedia necavit; *Symmachum & Boëtium*, viros consulares, truncavit capite; passimque scœvii in Orthodoxos, Arrianus ipse; supervenit denique sera quidem, sed severa Numinis ultio. Coenanti ingentis caput piscis erat appositum: id Symnachi nuper à se occisi caput, torvis oculis, exertisque dentibus, cum scœvitæ exprobatione ei minitari visum, adeò contruit, ut correptus maniā, miserrimè periret, anno Ch. 526. regni 33. Recentius est, quod scribit Lobbetius de flagellis peccat. c. 3. & ex eo Henricus Engelgrav. Dom. 5. post Epiph. Juvenis quidam Germanus, cùm unicam heri filiam, quam effictim deperibat, propter inopiam obtinere non posset, crudele facinus aggressus est. Primò hospitem suum, benè nummatum mercatorem, obruncat & spoliat: tum quasi recenter acceptā à suis pecuniā, lucupletior factus, matrimonium extorquet. Jam votis potitus, se & familiam honestè componit, itaque se gerit, ut in senatum admitteretur: hæsit tamen semper in oculis, ad latus, in tergo ultrix Nemesis, & cædem factam, dirè inglexit. Impatiens occulti tortoris, cùm forte in senatu de prædonis alicujus capite sententiam deberet ferre; redux domum, petit jentaculum: apponit uxori caput vitulinum. Hic ille vehementer exhorre, & expallescere: jussit uxorem cum capite humano facessere. Inde reversus in Senatum, cùm sententiam in ordine rogaretur, respondit: prædonem quidem capitatis esse reum; se verò pari, vel majore etiam dignum suppicio: simûlque exponit facinus suum, omnibus hactenus ignotum. Invasit audientes stupor: atque ut dictis fieret fides, itum est in ejus domum: eruit terra, inveniuntur mercatoris ossa, scelus manifestatur. Latâ igitur in reum sententiâ, pari cum prædone suppicio afficitur. Lentius & hunc insecura est Nemesis, assecuta tamen est. Verè Seneca. *Scelera quandoque tua esse possunt, secura nunquam.* Eruditè de Nemesi scribit Carolus Paschasius lib. de virtut. & vitiis c. 40. ubi inter alia: Hæc est illa dea cœlo demissa ad Principes, ac tantopere celebrata Nemesis bonorum benignissima prœmiatrix, & impiorum factorum accerrima ultrix. Hanc fecerunt Justitiae filiam, quæ ex abdita quadam, ac mortalibus oculis inaccessa statione, tanquam ex editissima arce, omnia humana despectat. Inde ex hominibus alios suspensos tenet, an puniri debeant, donec resipiscant; alios mox punit; ac dum citò puniendo, pauculos emendat: tardè plectendo multos juvat, atque ad salutem revocat. Habet quoque

que hæc dea suos delatores, si non alios; certè ipsas umbras, ac manes, scelerum quemque suorum intus accusantes; habet suos tortores & carnicies, hoc est, furias, quæ perpetuò obversantur oculis improborum. Hujus Numinis est quoddam perenne lumen homini inditum, cuius vi, reipublicæ moderator puniendo & ulciscendo prævidet, quid sequi, quid vitare debeat. Eos, qui castigatiū vivunt, foveat; divinis monitis reluctantes, periculi admonet: comploratos agit præcipites. Hæc ille docet. De privata cujusque Nemesi Marsilius Ficinus insignis Philosophus, quatuor, inquit, in homine insunt: In *mente* lex, quid agendum sit, quid non dictans: in *ratione* judicium distinctiore quadam argumentatione discernens, quod in hac vel illa actione honestum vel turpe: in *voluntate* iustitia, quæ eligat aut prosequatur, quod ratio per mentis leges sequendum vel fugiendum dictaverit: in *imaginatione* Nemesis, quæ turpibus actionibus, verbisque succenseat, ac legitimè indignetur.

SYMBOLVM LXXXVI.

Charites seu Gratiae.

Ex Variis.

Ethice.

1. Trium Gratiarum officia. 2. Lingua gratioſa. 3. Indoles Gratioſa.

I. Ovis & Eurynomes filiæ, dictæ sunt ἀπὸ τῆς χαρᾶς, à gaudio. Latinè à *gratia*, quæ significat beneficium, quia gratis datur; item leporem, venustatem, oblectationem. Tres præcipue numerantur.
 (a) 1. *Aglaia*, à splendore & claritate nomen trahens: quia beneficium deber esse splendidum & sine sordibus. 2. *Thalia viriditatem* indicat, quod beneficii memoria semper virere debeat, & nunquam marcessere. 3. *Euphrosyne*, lētitiam & hilaritatem nomine præfert: non minus enim in dando, quam in accipiendo hilarem esse decet. *DEVS ipse hilarem datorem diligit.* 2, Cor. 9. Pinguntur nudæ, aut pellucidis vestibus, solutisque Zonis, virgines eadem & hilares, manibus inter se connexæ. Quarum una exprimitur averso corpore, quasi à nobis recedens: duæ autem ad nos conversæ, quasi accedentes: quia cum unum à nobis in

VVV

alios

(a) Charitum seu Gratiarum nomina, habitus, officia.